



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De musca, quae circa corpus Domini in hora sumptionis volitans, mortis
poenam soluit, cap. 10.

urn:nbn:de:hbz:466:1-13177

cula eram, & hortum excolendum suscepisse, nocte quadam mulierem vagam hospitio recepi, cui cum damna horti mei exposuisse, afferens omnia olera ab erucis deuorari: respondit illa: Bonam te instruam medicinam: accipe corpus Domini, & comminue ilud, sicque super olera spargas, & statim lues cessabit. Ego misera, cui maior cura erat de horto, quam de sacramento, cum in Pascha corpus Domini suscepisse, & extractum de ore fecisse sicut edocta fueram, quod oleribus in remedium, mihi teste diabolo factum est in tormentum. A P O L L O N I V S: Crudelior erat mulier haec ministris Pilati, qui I E S V mortuo pepererunt, ne ossa eius comminuerent. CÆSARIVS: Idcirco usque hodie luit maximum id peccatum, & sunt cruciatus eius inauditi. Attendant hanc poenam, et si non culpam, qui Deifica sacramenta ad temporalia, vel, quod execrabilius est, ad maleficia conuertunt: etiam vermes, si reuerentiam circa hoc sacramentum negligant, aliquando poena mulctantur.

C A P V T X.

*Anima-
lia vim
eius sen-
tient.*

A Nno præterito, cum quidam ex sacerdotibus nostris coram Episcopo Theoderico missam quotidianam de Domina nostra celebraret, in ipsa hora fractionis, musca grandis circa & supra calicem volitare cepit, ita importunè, ut quasi vi velle intrare videretur: Sacerdos timens ac tremens, cum manus haberet occupatas, & muscam exufflaret, nec proficeret, Henricum Diaconum, qui hora eadem Episcopo pacem porrigebat, tussiendo crebrius aduocauit. Tunc illa alacri volatu altius labens, præsumptionis culpâ ibi luit, quia post morulam, completa sumptione atque ablutione, intuente sacerdote, quæ turbauerat, quasi lapillus, inter corporale & calicem extincta ruit, quam Diaconus de altari projectit. A P O L L O N I V S: Satis me delectat haec narratio. CÆSARIVS: Etiam Dominus in simplici pane, tanto sacramento assignato, quandoque miracula operatur.

C A